

教育廣播電台 「巷仔口的台語」 錄音文字稿 集數別:05

呼應閩語典之俗語:018 一枝草，一點露；391 薏的也有一項會。

錄音日期:

預計播放日期:

安住:各位聽眾朋友逐家好，我是安住老師，歡迎收聽教育廣播電台「巷仔口的台語」。

阿如:各位聽眾朋友逐家好，我是阿如。歡迎收聽「巷仔口的台語」。

安住:阿如，對南海路行到教育電台內底，予你目睷看傷濟的物件是啥貨？

阿如:安住老師，予我先想看覓咧?啥物物件傷濟?敢是杜鵑花？

安住:阿如，『杜鵑花』台語叫做「滿山紅」、「杜鵑」。其實你看傷濟的物件應該是草仔，無論你行到佗位，只要有塗的所在，你攞看會著有草仔發出來，閣會當佇彼个所在生存落去。毋管生存環境佻艱難、佻焦燥、地勢有佻懸，逐工透早，無論你大細懸低、佇佗位，每一枝草仔頂頭攞會有露水。毋若按呢，風若吹，每一枝草仔攞會做伙搖來搖去，可見天公伯仔對個攞是公平對待。所以若有人為著生活、為著感情，抑是職業拄著無順利、鬱卒、操煩的代誌，甚至是想袂開的時，我攞會共個講:「一枝草，一點露」，只要你拍拚，一定有機會來改變目前的狀況。

阿如:安住老師，「一枝草，一點露」這句俗語，我嘛定定聽著。這馬聽你按呢解釋，我更加了解伊內底的意義，就是欲鼓勵咱毋通看輕家己，對家己愛有信心，這恰阮阿公講的「荏荏馬嘛有一步踢」意思足相全。

安住:阿如，「荏荏馬嘛有一步踢」、「一枝草，一點露」，攞是咧鼓勵咱，就算代誌看起來已經強欲無望矣，咱嘛是愛堅持落去，拚看啥人會當堅持到底。予別人看無，你躊遐一直艱苦嘛無較緩，千萬毋通閣欺負家己。俗語就是粒積祖先智慧上好的寶貝，為著欲鼓勵咱，俗語閣有「一枝草，一點露，壁跤草食坦橫露」、「薏的也有一項會」、「一枝草，一點露；穩痾草，兩點露」遮的俗語，甚至對飼雞嘛會想著「雞屎落塗，也有三寸煙」的道理，用日常生活看著的簡單代誌，來教咱人生做事的道理，你看敢毋是真厲害？

阿如:安住老師，會當對草仔枝一直牽，牽到雞屎閣會當講全款的代誌，咱祖先真正天壽厲害。我感覺頭仔老師講的俗語攞咧強調「天生我材必有用」的道理，像講勢唱歌的去唱歌，像『張惠妹、蕭敬騰』；勢損球的去損球，像『陳金鋒、陽岱鋼』，毋過若要求『張惠妹』去損球；『陳金鋒』去唱歌，按呢顛倒會害個失去信心，所以每一個人攞愛揣出家己的興趣佻專長，認真去培養能力。若拄著困難，愛相信「一枝草，一點露」的教示，甚至發揮「草仔枝也會經倒人」的決心，無的確，小卒仔嘛會變英雄。

安住:無毋著，「一枝草，一點露」，天無絕人之路，天公伯仔一定會予咱有路，咱絕對毋通怨嘆，更加袂當自卑。時間的關係，咱就先講到遮，歡迎聽眾朋友，明仔載繼續收聽咱「巷仔口的台語」。再會！

阿如:再會！」